



# O'ZBEKISTON OVOZI

2011-yil, 15-yanvar. Shanba 7 (31.283) Ijtimoiy-siyosiy gazeta 1918-yil 21-iyundan chiqarib boshlagan www.uzbekistonovozi.uz

Ватан ҳимояси — олий шараф

## Муқаддас ва шарафли касб эгалари

Тонг. Қуёшнинг заррин нурлари заминимизни ёритиб улгурмасидан кўчаларда трамвай овози эшитилади, автобуслар одамларнинг узоғини яқин, оғирини енгил қилиш учун йўлга тушади. Кимдир ишга, кимдир ўқишга отланган. Онанинг қўлидан тутиб олган жажжигина болакай боғчасига йўл оляпти. Нарироқда чойхонада уч-тўрт отахон гурунг қилмоқда... Ҳар кун ишга бораётим мана шу оромбахш манзараларни кузатаман. Шунда ТИНЧЛИК деб аталмиш сўзнинг нақадар бебаҳо неъмат, улуг саодат эканлигига амин бўламан.

13 январь куни пойтахтимиздаги муҳташам «Туркистон» саройида Ватан ҳимоячилари кунини ҳамда Куролли Кучларимизнинг 19 йиллигига бағишланган тантанали йиғилиш бўлиб ўтди. Шу муносабат билан бу ерга юртимиз тинчлиги, халқимиз осойишталигини таъминлаб келаётган аскарлар, сержантлар, офицерлар, генераллар, ҳарбий билим юрталарида тахсил олаётган курсантлар ҳамда Куролли Кучларимиз фахрийлари, жамоатчилик вакиллари таклиф этилди. Тантанали маросимни Тошкент шаҳар ҳокими А. Тўхтаев очди. Ўзбекистон Республикаси Давлат мадҳияси янгради. Ўзбекистон Республикаси Президентини, Куролли Кучлар Олий Бош Қўмондонини Ислам Каримовнинг

Ўзбекистон Куролли Кучлари ташкил топганлигининг 19 йиллиги муносабати билан Ватан ҳимоячиларига байрам табригини Ўзбекистон Республикаси мудофаа вазири Қ. Бердиев ўқиб эшиттирди.

Истиқлол йилларида мамлакатимиз хавфсизлиги ва барқарорлигини, сарҳадларимиз дахлсизлигини ишончли ҳимоя қилишга, халқимизнинг тинч ва осуда ҳаётига қарши қаратилган ҳар қандай тажовуз ҳамда гаразли уринишларнинг олдини олишга қодир бўлган тезкор, ҳаракатчан, ташкилий жиҳатдан мукамал, замонавий курол-яроғ ва ҳарбий техника билан таъминланган миллий армиямиз шаклланди.

(Давоми 2-бетда.)



ЎзХДП ҳаёти



## Ҳаракат дастури

ЎзХДП Тошкент шаҳар ташкилотининг Концепцияни амалга оширишдаги фаол иштирокини таъминлаш вазифаларига қаратилди

Тошкент шаҳар партия кенгашининг V пленуми бўлиб ўтди. Унда Президентимиз илгари сурган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси» бажарилишида партия Тошкент шаҳар ташкилотининг амалий иштироки масалалари муҳокама этилди.

Пленумда партия фаоллари, Олий Мажлис Қонунчилик палатаси ва халқ депутатлари Тошкент шаҳар Кенгаши депутатлари, «Фаол аёллар» ва «Истиқбол» ёшлар қанотлари, бошланғич ташкилотлар етакчилари иштирок этди.

Сўзга чиққанлар Концепциянинг асосий қондалари партия электорати манфаатларига тўлиқ мос келишини таъкидлашди. Шундан келиб чиқиб, мазкур ҳужжатда белгиланган вазифаларни амалга оши-

ришда шаҳар партия ташкилотининг амалий иштирокига оид вазифалар белгиланган ҳаракат дастури лойиҳаси ишлаб чиқилди. Пленум иштирокчилари мазкур лойиҳани ҳам муҳокама этдилар.

Ҳаракат дастури лойиҳаси партия туман кенгаши ва Марказий Кенгаш тавсияси асосида ишлаб чиқилган, — деди Тошкент шаҳар партия кенгаши раиси, халқ депутатлари шаҳар Кенгашидаги ЎзХДП депутатлик гуруҳи

махалла алоҳида ўрин тутарди. Маҳалла — манзилли ижтимоий ҳимоя маскани ҳисобланади. Шу сабабли ҳам маҳалла фуқаролар йиғинлари билан партия ташкилотларининг ҳамкорлигини янада мустаҳкамлаш олдимиздаги муҳим вазифалардан бири. Чунки шу йўл билан электоратни ўйлантираётган муаммолар ечими бўйича аниқ натижаларга эришиш мумкин.

Пленумда сўзга чиққан бошқа фаоллар ҳам масаланиб, Тошкент шаҳар партия кенгашининг Ҳаракат дастури тасдиқланди. **Гулрух ОДАШБОВА,** «Ўзбекистон овози» мухбири.

Эътироф

Мен Сингапурнинг Ўзбекистондаги Фавкуллда ва мухтор элчиси сифатида 12 йил фаолият юритдим. Ўзбекистоннинг ўн икки йил давомида қўлга киритган ютуқларига бевосита гувоҳ бўлдим. Шу давр мобайнида ўзбек миллиятининг урф-одат ва анъаналари билан яқиндан танишибгина қолмай, маълум маънода «Ўзбеклашдим» ҳам. Сиёсий ва иқтисодий жиҳатдан бу мамлакатда юз берган кескин қўтарилиш яқин ҳамкор ва дўст мамлакат сифатида Сингапурнинг ҳам ютуғи дейиш мумкин. Ўзбекистон — нафақат минтақада, балки бутун МДҲдаги ишончли шериклардан бири бўла олади. Мен бунини турли давраларда такрорлашдан ҳеч чарчамайман. Ҳам иқтисодий, ҳам сиёсий барқарор вазият бу ерда қўлай яратувчилик муҳитини юзага келтирмоқда. Бу Ўзбекистоннинг кучли келажигидан дарак беради».

Сим Чоок Лим, дипломат, (Сингапур)

Хушxabарлар

### Қалам аҳлига ғамхўрлик

Навоий вилоятда замонавий Матбуот уйи барпо этилди. Шунингдек, бу ерда вилоят босмахонаси ишга туширилди.

«Навоий — матбуот-нашр» деб аталган, чет эл технологияси асосида ишлайдиган мажмуа бир соат ичида 30 минг нусха газетани замон талаблари даражасида босиб чиқаради. Ҳозир бу ерда нафақат вилоят «Дўстлик байроғи» ва «Заманя дўрбў» газеталари, балки матбаачиликка оид бошқа бюротмалар ҳам чоп этилмоқда. Энг муҳими, Матбуот уйи марказий газеталар муҳбирлари, умуман, соҳа вакиллари бир даргоҳда, қўлай шартда ишлашлари учун хизмат қилмоқда.

**Музаффар ШАРОПОВ,** «Ўзбекистон овози» мухбири.

### Маҳсулот экспортга

#### жўнатилмоқда

Избоскан туманининг Чувама қишлоғида ўтган йили ишга тушган «NANYANG RED COTTON ANGEL TEXTILE» корхонаси муваффақиятли фаолият юритмоқда.

180 нафар ишчи-мухтаассиснинг меҳнати билан шу кунгача 2200 тонна калава ип тайёрланди. Ишлаб чиқарилган маҳсулот тўлиқ экспорт қилинди.

Хитой Халқ Республикасининг «NANYANG RED COTTON ANGEL TEXTILE» компанияси томонидан киритилган инвестиция туфайли замонавий тўқимачилик дастгоҳлари ўрнатилиши ва улардан унумли фойдаланиш билан сифатли маҳсулот тайёрлашга эришилди.

Ўзбекистонлик ҳамкорлар билан корхонанинг биринчи навбатини ишга туширдик, — дейди корхонанинг молиявий ишлар бўйича директори Лу Ге жаноблари. — Натижалар кутилганидек бўлмоқда. Келгусида корхонанинг иккинчи навбатини ишга тушираемиз. Ҳамкорлигимиз ҳар жиҳатдан муваффақиятли бораётгани бунга замин яратди.

**Аҳмадилло СОЛИЕВ,** «Ўзбекистон овози» мухбири.

O'zbekiston havo yo'llari



Хизматлар лицензияланган

## «АДОЛАТ» ЛИБЕРАЛЧА ФИКРЛАШГА ЎТМОҚДА

Бирон-бир сиёсий партия имконияти, кучи нечоғли бўлишидан қатъи назар, ўзининг бошқалардан султ томонларини очиқ тан олгиси келмайди. Аксинча, ўз гоёлари, бошқалардан устун томони, амалга ошираётган ишларини кўпроқ тарғиб қилади. Бу — табиий ҳол. Лекин яна шуниси ҳам ҳақиқатки, сиёсий партия ҳар қанча дабдабали ваъдалар бермасин, нималарнидир кўз-кўз қилмасин, унга холис баҳони одамлар беради.

2

Муносабат

## Тинчликнинг мустаҳкам қалқони

Ўзбекистон Республикаси Президенти, Куролли Кучлар Олий Бош Қўмондонини Ислам Каримовнинг Ватан ҳимоячиларига йўллаган табригини тинглаб, кўнглимдан кўп фикрлар ўтди.

Рўзгорда барака, ишда унум, кўнгида хотиржамлик ва албатта, эзгу орзулар бўлиши учун юрт тинч бўлиши зарур. Шунда Ватан обод бўлади, ҳар бир инсон ўйлаган ниятларига етади, фарзандларининг камолини кўради.

Шу сабабли ҳам мамлакатимиз осойишталиги, хавфсизлигининг мустаҳкам кафолати бўлган миллий армиямизни ҳар жиҳатдан кучайтиришга, салоҳиятини оширишга катта эътибор қаратилмоқда.

Байрам табригига ҳарбий хизматчилар ва уларнинг оилаларини ижтимоий ҳимоя қилиш соҳасида аниқ мақсадга қаратилган катта ишлар олиб борилаётгани алоҳида таъкидланди.

Ҳақиқатан ҳам, миллий армиямизни замон талаблари асосида янада ривожлантириш, халқимиз муносиб ва ҳақли равишда фахрлана оладиган аскар ва сержантлар, офицерлар, умуман, барча ҳарбий хизматчиларнинг ижтимоий муҳофазасини янада кучайтириш жуда катта

аҳамиятга эга. Уйи, оиласидан кўнгли тўқ одам бутун диққат-эътиборини ишга, зиммасига юкланган вазифани чин юракдан адо этишга қаратади.

Президентимиз ҳарбий хизматчиларни уй-жой билан таъминлаш, уларга замонавий тиббий хизмат кўрсатишни йўлга қўйиш бўйича давлат дастурларининг амалга оширилиши ҳарбий хизматчилар ҳаётининг моддий-маиший шароитларини сезиларли даражада яхшилаш имконини берганини алоҳида таъкидлади. Дарҳақиқат, бу борада олиб борилаётган мисли кўрилмаган ишлар ҳарбий хизмат нуфузи ва обрўсининг янада юксалишида муҳим омил бўлмоқда.

Бунинг натижасида армиямизнинг куч-қудрати, моддий ва маънавий салоҳияти кундан-кун юксалиб, халқимиз тинчлигининг мустаҳкам қалқонига айланмоқда.

**Мажидхон УСМОНОВ,** Олий Мажлис Қонунчилик палатаси депутати, ЎзХДП фракцияси аъзоси.

Хорижда

Европадаги энг йирик вулқон «уйғонди» 2

Орамиздаги одамлар

Қутқарувчи 3

Футбол

Ҳаяжонли ўйинлар олдинда 4

ЎЗБЕКISTON RESPUBLIKASI MARKAZIY BANKINING 2011 YIL 11 JANVARDAN BOSHLAB HORIJIIY VALYUTALARNING S'UMGA NISBATAN BELGILAGAN QIYMATI

1 Австралия доллари	1636,79	1 Миср фунти	283,48	1 СДР	2506,80	10 Жанубий Корея вонини	14,67
1 Англия фунт стерлинги	2554,39	1 Канада доллари	1654,45	1 Туркия лираси	1045,71	10 Япония иенаси	197,91
1 БАА дирхамини	447,58	1 Хитой юани	247,88	1 Швейцария франки	1704,19	1 Россия рубли	54,16
1 АҚШ доллари	1643,86	1 Малайзия рингитини	535,81	1 Евро	2172,21	1 Украина гривнаси	206,54

\* Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.

# «Адолат» либералча фикрлашга ўтмоқда

(Давоми. Боши 1-бетда.)

Ўтган йили бўлиб ўтган Олий Мажлис Қонунчилик палатаси, Қорақалпоғистон Республикаси Жўқорғи Кенгеси ва маҳаллий Кенгашлар депутатлигига сайловлар натижалари шуни кўрсатдики, бугун замон ўзгарди, жамият янгиликларда, фуқароларнинг сиёсий-хуқуқий билими тобора юксалиб бормоқда. Энди уларни қуруқ гаплар, чиройли шорлар билан сеҳрлаб бўлмайди. Фақат асосли таклифлар, ташаббуслар ва амалий ишлар билан эътибор қозониш мумкин. Бу бизнинг сайловдан кейинги сабоқларимиздир.

Бугун ҳаёт ўз умрини ўтаб бўлган, ҳеч қандай самара бермайдиган эскича иш усулларидан воз кечишни талаб этмоқда. Хусусан, партиялар аро баҳс-мунозараларда ҳам асоссиз гап-сўзлар, сохта обрў талашилар ҳеч кимга фойда бермайди, аксинча одамларнинг гашини келтиради.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш кўрсаткичида илгари сурилган янги ғоя ва ташаббуслар биздан аввало бурчимизга муносабатни, қолаверса, иш услубимизни, дунёқараши-мизни янгилашни тақозо этмоқда. Сиёсий партияларга жуда катта ишонч билдирилган жиддий ҳуқуқ ва ваколатлар берилган ўта масъулиятли бир вазиятда «бунча учрашув ўтказдик, унча тадбир уюштирдик, сендан кўра мен кўпроқ ишлапман», қабиладики юзаси даъволар, арзон-гаров обрўга рўжу қўйиш ҳеч бир сиёсий кучга ярашмайди.

Тўғри, сиёсий партияларнинг тажрибаси, кучи, маъқеи ва имкониятлари бир-бирдан фарқ қилади.

Уларнинг депутатлик гуруҳлари ҳам нисбатан фаол ёки суст бўлиши мумкин. Аммо зиммасига олган вазифалар нималардан иборат эди-ю, биз нималарга улгурганимизни таққослаб, чуқурроқ ўйлаб кўрайлик, умуман, мақтанишга асос борми?

Биз матбуотдаги баҳс-мунозараларда газетхонларга, қолаверса, бир-биримизга қайси бир ишимизни ёки нимани қойил қилиб қўйганимизни кўрсатаёلمиз?

«Адолат» газетасининг 2010 йил 10 декабрь сонидан чоп этилган «Унглам ҳам, сўллар ҳам маҳаллани унутдиларми?» сарлавхали мақолани ўқиб, хаёдан шу саволлар ўтди. Муаллиф масалани чуқур ўрганиш, ҳар бир даъвоини асослаш шарт эмас, деб ўйла-

ган ёки танқид учун мавзу топмай таваккал қилган шекилли, ҳатто айтаётган сўзларнинг ўринли-ўринсизлигига ҳам эътибор бермай қоғозга тушираверган. Шу боис, биз «Адолат» туш кўраётганимиз, уйқусираётганимиз?» сарлавхали мақолани эълон қилгандик. Чунки, журналист ёзган ҳар бир сўз жой-жойда, даъво-си асосли бўлмаса, одамни ҳайрон қолдириши табиий. Агар «алолатчи» ҳамкасбимиз ҳаммининг билими ва дунёқарашини ўзи билан баробар кўрсатса, хато қилади, мабодо ўзини бошқалардан ақлдор деб ҳисобласа, икки қарра ҳатоидир. Шунинг учун ҳам сўз айтишининг масъулияти катта, меҳнати оғир.

Афсуски, «Адолат»нинг 7 январь сонидан чоп этилган «Қуруқ қошиқ оғиз йиртар» сарлавхали мақоладаги тўғри, бир-бирига қовушмаган жумлалар, бири боғдан, бири тоғдан келган даъволар, мақтанишлар таажубимизни янада оширди. Айрим мисолларни келтирамиз.

«Адолат»нинг «Унглам ва сўллар» деган даъвосига муносабат билдириб, ХДП кечаги сайлов олдидан, ундан кейин ҳам ўзини сўл партия деб эълон қилмаганини айтган эдик. Бунга нисбатан «Адолат» шундай дейди: «Партияларнинг ўнг ёки сўл партияларга бўлинишининг ҳақиқий мोजияти 1789 йилги улуг француз инқилобига, у эълон қилган Эркинлик, Тенглик, Биродарлик шioriга партиялар томонидан билдирилган муносабатни аниқлашда. Одатда сўл партиялар ушбу уликда асосий уруғни тенглик ғоясига қаратиб, ижтимоий тенгликка асосланган синфсиз жамият қуриш тарафдорлари бўлиб, ҳар қандай масала давлат томонидан ҳал этилиши кераклигини ургулайдилар. Ўнг партиялар эса юқоридида тилга олинган шioriдаги уликда эркинликни биринчи ўринга қўйишади. Улар жамиятда барчанинг тенглиги табиатан мумкин бўлмаган ҳол, деб биладилар... Ана шу жиҳатдан партияларнинг ўзини ўнг ёки сўл деб аташи шарт эмас, у илгари сураётган ғоясига қараб сиёсатнинг ўнг ёки сўл томонида деб юритиладди».

Қайсидир манбадан олинган бу таърифни дастак қилаётган «Адолат»лар замон, сиёсат, партиялар табиатини ўзгармас, тош қотган қоида деб билсалар керак. Агар сўллар масаласига шундай ёндашган экан, унда «Адолат» социал-демократик партияси сиёсат майдонининг қайси тарафда туради? Бунинг устига сайловдорлиқ платформаларимиз бир-бирига ўхшаш бўлса... Аслида «сўл» ва «ўнг» тушунчалари дастлаб турли тузумдаги сиёсий ўзгаришлар тарафдорлари сифатида пайдо бўлган эди. Сиёсатда «сўл»лар тушунчаси жамият ижтимоий қатламлари учун ижтимоий

тенглик ва ҳаётий шарт-шароитларни яхшилашдан иборат бўлган кўплаб йўналишлар ва мафқураларга нисбатан ишлатилади. Уларга асосан социал-демократия, социал либерализм каби мафқуралар киради.

Бироқ шу ўринда масаланинг яна бир жиҳатига ҳам эътибор қаратишга тўғри келади. 1789 йилдан бери ўтган икки юз йилдан ортиқ вақт сиёсат оламига ҳам кўпдан-кўп ўзгаришлар киритди. Қандай номланишдан қатъи назар, сиёсий партиялар ва улар илгари сураётган ғояларда ўхшашлик, ёки аксинча, узоқлашиш рўй берди. Шу боис бу баҳсни узоқ давом эттириш мумкин.

«Адолат»чиларнинг кейинги икки мақоласида уларнинг янги қирралар кўзга ташланганини кўриб, бизда беихтиёр «Адолат»чилар либералча фикрлашга ўтдиларми, деган савол туғилди. Мақоланинг руҳида баландпарвозлик, жўшиб айтилган гаплар қаторида шундай жумлалар учрайди: «Подадан олдин чанг чиқариш», «оқсоқол партия», «одамларни чалғитмоқда», «ўзини «халқ партияси» дея аташдан чарчашмаётган ХДПчилар...» Ахир бу ибораларни ЎзЛиДеП шу пайтгача тақрор ва тақрор ишлатиб келётганини кўчиликка маълумку! Ўз сўзи, ўз фикри ва ўз принципи бор одам бировага тақлид қилишдан истиҳола қилади. Имкони, қурби етмаса, тўғри, ўзганини айтганини айтишдан бошқа илож тополмайди.

Шу ўринда «ўзини халқ партияси» дея аташдан чарчашмаётган ХДПчилар деган мужмал даъвога эътибор қаратайлик. Сиёсий баҳс юритмоқчи бўлган «Адолат»чилар билишларига керак эди-ю, 2005 йил 2 июнда ХДП ўз электоратини ўзликесил аниқлаб, аҳолининг ижтимоий ёрдамга муҳтож қатлами манфаатини ҳимоя қилишни ўз зиммасига олганини. Биз «Халқ партияси» эмас, Халқ демократик партия-симиз. «Адолат»чилар даъвосидан келиб чиқиб савол бермоқчимиз: — «Адолат» партияси ўзини ким деб атайдиган? Ёки унинг бошқа номи ҳам борми?

«Қуруқ қошиқ оғиз йиртар» мақоласи муаллифи «Ўзбекистон овози»да босилган «Адолат» уйқусираётганими ёки туш кўраётганими?» сарлавхали мақолада «ошма-шошарликка, пала-партишликка йўл қўйилган», дейди. Бизнингча, муаллиф бу сўзлар маъносини аниқлаб-англамай таваккалдан айтганга ўхшайди.

Халқ депутатлари Тошкент шаҳар Кенгашидаги «Адолат»чи депутатлар фаоллигини мақтаб, муаллиф шундай дейди: «Адолатчилар аралашуви билан Сирғали туманидаги «Меридиан» корхонаси шох-шаббаларни қайта ишлаш борасидаги фаолиятини кенгайтиришга қарор қилди. ...маҳалла оқсоқоллари, Собир Раҳимов туман ҳокимияти ва Маҳалла жамғармаси бошини бириктиришда ҳам ... депутатимизнинг ҳиссаси бекиёс». Қаранг, нималарни ибратли иш сифатида кўрсатмоқда. Муаллиф жўшқин кайфиятда давом этади: «Бундай мисолларни яна кўплаб келтириш мумкин. Бу денгиздан (!) бир томчи, холос. Аммо биз шаҳар кенгаши депутатлари томонидан кўтарилаётган таъаббусларни, уларнинг кам таъминланган оилалар, ногиронлар ва ҳимояга муҳтож кишиларга кўрсатаётган мураватлари-ю, амалий ҳаракатларини газеталарнинг келгуси сонларига бирма-бир кўрсатишга қарор қилдик».

Қизиқ, ахир бу ишлар партия газетасининг бевоситаси, энг асосий ишларидан ҳисобланадими? Ёки шу пайтгача бунга руҳсат йўқми?

ЎзХДПнинг маҳалла фуқаролай йиғинлари билан ҳамкорлигига «Адолат»чиларнинг билдирган муносабати ҳам тушунарсиз. Улар Тошкент шаҳридаги 82 та маҳалла фуқаролай йиғини маъсۇл ходимларининг хуқуқий билими етарли даражада эмаслиги, қонун талабларини яхши билмагани оқибатида 97 та оиллага 28 миллион сўмлик моддий ёрдам ва нафақа пули нотўғри берилди, дея бунда ЎзХДПни айблашга интилади. Шу ўринда масалага ойдинлик киритиш зарур. Биринчидан, ХДПни маҳалла фуқаролай йиғини турмуши, муаммоларини қизиқтиради. Иккинчидан, маҳалла маъмуриятининг фаолиятини бевоситаси назорат қиладиган идоралар бор. Қолаверса, сиёсий партия энг аввало аҳолининг сиёсий маданиятини оширишга ёрдам беради. Биз учун хуқуқий тағрибот ишлари ҳам муҳим аҳамиятга эга. Аммо ўз дастуридан келиб чиққан ҳолда ушбу масалага «Адолат» кўпроқ эътибор қаратиши лозим эмасми?

ЎзХДП Сайловолди дастурида «...бозор муносабатлари тор (эгоистик) хусусий манфаатларга эмас, аввало, жамият манфаатларига хизмат қилиши лозим...» деган фикр бор. Бунда асосан бозор муносабатларига ўтиш жараёнида таниш-билишчилик, порахўрлик, коррупция сингари иллатлар туфайли фақат ўз манфаатини кўзлаган айрим шоввозлар ҳаддидан ошиб, бозор муносабатига мослашишга улгурмаганлар ёки энди ўз бизнеси, тадбиркорлик ишларини

йўлга қўймоқчи бўлган ҳалол одамлар муаммолар домига тушиб қолмаслиги кўзда тутилган. Аслида «Адолат» ҳам «ўз табиатига кўра» шундай ҳолларга қарши курашиши керак. Лекин «Адолат»чилар бошқача, либералча фикрда. Мана, улар ХДПга қарата нима дегенде: «Қачонгача жамиятни у ёки бу тоифага ажратасиз ёки маффаат сўзини, бу сўзнинг маъно ва мोजиятини тўғри аниқлаганларни жамиятга ёмонотлик қиласиз, дегинг келадиган». «Адолат»чиларнинг бу каби мантиқсиз, заиф гаплари, сўз айтишда меъёрни ҳис қилмаслик, ортиқча жўшиб кетишларига қараб туриб, сиёсий баҳс дегани, бўлар бўлмагача чираниш эмас, барчамизнинг фаолиятимизга олий ҳакам — вақт ўз баҳосини беради, дегимиз келди.

«Адолатчи»лар «Эскирган стереотиплардан чиқиб кетмасдан яшаб бўлмаслиги» ҳақида гапиряпти-ю, лекин эски одат бўйича қилган ишларини санаб кетаяпти. Устига-устак «бу ишлар денгиздан томчи», деб мақтаниб ҳам кўяпти. Шу ўринда чуқурроқ ўйлаб кўрайлик: сиёсий партия сифатида зиммасига қандай масъулият юкланган-ю, биз нима ишлар билан шуғулланаямиз? Мақтаниб санаётган ишларимиз талаб-қай даражада жавоб беради? Шу ҳақда ўйлаш мақсадга мувофиқ, назаримизда.

Мамлакатимиз Президентини бундан бир йил илгари, 2010 йилнинг 27 январидан Олий Мажлис палаталари кўшма мажлисида айтган гапларини эслайлик. «Мамлакат раҳбариятининг ислохотларни амалга ошириш борасидаги стратегик йўлини сиёсий кўлаб-қувватлаймиз» деган умумий гаплардан амалий фаолиятга ўтиш, чуқур ўйланган, шу жумладан, муқобил, рақобатдош лойиҳалар ва ҳар қайси партия ёки ҳаракатнинг аниқ мақсадли вазифаларини ўзида муҳимаси атадиган дастурларни тақдим этган ҳолда, фаол иш олиб бориш даври келганини таъкидлаш лозим».

Шунингдек, ўша мажлисда партиялар ўртасидаги баҳс-мунозаралар жиддий, профессионал ва амалий негизда олиб борилиши даркорлиги таъкидланган эди. Ушбу талаблардан келиб чиқиб, ўз ишимизга баҳо бераёқ, тўғри бўлади, деб ўйлаймиз.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепциясида белгиланган вазифалар эса ўз фаолиятимизга танқидий баҳо бериб, мақтанишнинг ҳар қандай кўринишларидан қочиб, янги-янги билан янги-янги фикрлаш, янги-янги таллаб этмоқда. Бу вазифалар қай даражада амалга ошиши ҳар бир сиёсий партиянинг куч-ғайрати, ташаббускорлиги ва салоҳиятига боғлиқ.

Сафар ОСТОНОВ



## Муқаддас ва шарафли касб эгалари

(Давоми. Боши 1-бетда.)

Хусусан, бу борадаги янги концепцияга асосан мuddатли ҳарбий хизмат бир йилгача қисқартирилди, нуфузли сержантлар мактабларининг фаолияти йўлга қўйилди, ҳарбий хизматнинг янги ашкли — сафарбарлик чакиреви резерви хизмати ташкил этилди. Офицер, курсант ва сержант кадрлар тайёрлашнинг замонавий тизими яратилди. Ҳарбий олий ўқув юртлири янги ўқув-техника воситалари билан таъминланди. Бир сўз билан айтганда армиямизнинг қиёфаси, унинг мазмун-моҳияти ва жанговар имкониятлари, ҳарбий жамоалардаги маънавий-ахлоқий муҳит, энг муҳими, одамларнинг армияга бўлган муносабати тубдан ўзгарди. Қуролли Кучларнинг давлатимиз ва жамиятимиз ҳаётидаги ўрни мустаҳкамланди.

Тадбирда Президентимиз фармонида мувофиқ мамлакатимизнинг мудофаа қудратини юксалтириш, миллий ҳавфсизлигини таъминлаш, ёшларни миллий истиқлол ғояси ва она Ватанга садоқат руҳида тарбиялаш ишига қўшаётган катта ҳиссаси, шунингдек, ижтимоий-сиёсий ҳаётдаги фаол иштироки учун Давлат муқофотиغا сазовор бўлган хуқуқни муҳофаза қилиш органлари, мудофаа ва фауқулдада вазиятлар вазирликларининг бир гуруҳ ходимларини тақдирлаш маросими бўлиб ўтди. Шунингдек, Ўзбекистон Қуролли Кучларида аънава тусини олган уч босқичли танловга асосан, 2010 йилдаги энг илгор бригада, батальон, взвод, гуруҳ командирлари ва энг илгор сержантлар аниқланди. Ғолиб деб топилганларга диплом ва қимматбаҳо совғалар топширилди.

— Президентимиз фармонида кўра, «Меҳнат шухрати» ордени билан тақдирландим, — дейди Ички ишлар вазирлиги Академияси жисмоний тайёрлик кафедраси бошлиғи ўринбосари Акобир Қурбанов. — Бу муқофот мени ўз вазифамга янада масъулият билан ёндашишимда, уни сидқидилдан адо этишимда ҳаётбахш бир куч бўлиб хизмат қилади. Биз шундай ёшларни тарбиялайликки, уларнинг барчаси Юртобшимиз орзу қилганидек, ҳам жисмонан, ҳам маъна соғлом, интеллектуал жиҳатдан етуқ, комил инсонлар бўлиб етишсин.

— Бугунги байрам ҳеч қачон хотирамдан ўчмас керак, — дейди Мудофаа вазирлиги ҳарбий қисми Афтаб Раҳимов, «Шухрат» медали соҳибни Обиджон Тўраев. — Айниқса, мамлакатимиз раҳбарининг бизга йўллаган байрам табриғи мени жуда ҳам тўқинлантирди. Унда юртимиз сарҳадларининг дахлсизлиги, халқимизнинг тинч меҳнати, осийишталлигини таъминлаш ишончли кўларда эканлигига уруғ берилган. Шунингдек, биз ҳарбийларга аталган самимий тилаклар руҳиятини кўтарди. Жонажон Ватаним тинчлигига, халқимиз хотиржамлигига ҳисса қўшаётганимдан беихтиёр гурурландим.

— Ватан ҳимоячилари кунин халқимизнинг чинакам байрамидир — дейди Ўзбекистон халқ артисти Афзал Раҳимов. — Зеро, она юрт ҳимояси барча даврларда ҳам энг улуг, ғоятда шарафли вазифа бўлиб келган. Бундай муқаддас бурчни бажараётган асл фарзандларимиз доимо эл ардоғида, давлатимиз ғамхўрлигида, эътиборидадир. Президентимизнинг бугунги байрам табриғида ҳам бу том маънода ўз ифодасини толган. Ҳозирги кунда ҳарбий хизматчиларни ўй-жой билан таъминлаш, ҳарбий зарчалар қуриш ва реконструкция қилиш, уларда энг замонавий талаб ҳамда стандартларга жавоб берадиган барча қулайликлар яратиб бериш ҳамда замонавий тиббий хизмат кўрсатишни йўлга қўйиш бўйича Давлат дастура-рининг амалга оширилётгани фикримизни тасдиқлайди. Буни нафақат ҳарбийлар, балки халқимиз, барча юртдошларимизга қаратилган эътибор деб биламан. Ҳозир мен бу ерда сафланган Ватан ҳимоячилари тимсолида Қуролли Кучларимизнинг ҳақиқий куч-қудрати ва салоҳиятини кўрмоқдаман.

Йиғилишда Ўзбекистон Республикаси Олий Мажлиси Сенати Раиси И. Собиров, Олий Мажлис Қонунчилик палатаси Спикери Д. Тошмухамедова, Ўзбекистон Республикаси Бош вазири Ш. Мирзиёев иштирок этди.

Дилшод НАРЗУЛЛАЕВ, «Ўзбекистон овози» мухбири.



### Хорижда

#### Европадаги энг йирик вулқон «уйғонди»



Сицилияда «Европадаги доимий уйғоқ» энг йирик вулқон — Этна яна ҳаракатга келди.

Мутахассисларнинг фикрича, вулқоннинг отилиши бу гал сал эрта ва кучли бўлди. Аини шу вақтда Урта ер денгизиди шарқий ҳаво оқими фаоллашган. У вулқондан чиқувчи кулли тутунни бутун Шарқий Европада ёйиши мумкин.

Маҳаллий ҳукумат ҳавфли ҳудудда жойлашган аэропортлар фаолиятини тўхтатган.

#### «Леопард» қароқчилар қўлида



Сомалилик денгиз қароқчилари бу сафар Дания-нинг «Леопард» юк ташувчи кемасини олти нафар экипажи билан «асир»га олди.

Расмий Копенгаген тутқунлар хавфсизлигини кўзда тутиб, ҳеч қандай баёнот бермади.

Тутқунларнинг икки нафари даниялик, тўрт нафари Филиппин фуқароси. Баъзи маълумотларга қараганда, Даниянинг «Шипкрафт» компаниясига тегишли мазкур кема бортида ҳарбий аслаҳалар ҳамда захарли қуроллар бўлиши мумкин.

#### Қуролланиш авж олмоқда

Хабарингиз бор, 8 январь кунин АҚШнинг Аризона штатида 22 ёшли Жаред Локнер Конгресс аъзоси Габриэль Гиффордснни ўққа тутиб, оғир ярадор қилган.

Шунингдек, олти киши ҳалок бўлган, 14 нафар одам яра-ланган.

Қонли воқеадан кейин мамлакатда ўт очувчи қуролга талаб кескин ортиган. Қурол сотувчиларнинг фикрича, бунга одамларнинг ваҳимага тушгани ва ўзини ҳимоя қилишга шошаётгани сабаб бўлмоқда.

Эслатиб ўтамиз, АҚШда қурол олиб юриш хуқуқи Конституцияда кафолатланган.

#### Сув тошқини:

#### қурбонлар сони ортмоқда

Маълумки, Бразилияда юз берган кучли сув тошқини туфайли 500 нафардан зиёд киши қурбон бўлган.

Маълумотларга кўра, тошқиндан мамлакатнинг шимоли-шарқий қисми жуда катта зарар кўрган. У сўнгги ярим асрда рўй берган энг йирик табиий офат дейилмоқда. Кутқарув ишларига давлатнинг барча ҳарбий тузилмалари жаб қилинди. Рио-де-Жанейра штатида сел сатҳи 4,5 метрга кўтарилган. Табиий офатдан жабр кўрганларга ўз вақтида ёрдам беришнинг ҳеч иложи бўлмапти.

Австралияда эса табиий офат секин-аста чекина бошлади. Ҳукумат вакилларининг айтишича, мамлакатни қайта тиклаш учун беш йилдан ортиқ вақт керак. Ҳозир 20 мингга яқин одам бошпанасиз бўлиб, давлатга қарашли мингдан ортиқ қорхона тошқин остида қолган.



## Ватан ҳимояси — олий шараф



# Ҳарбийлар оиласи

■ Нодирбек Юсупов болалигидан ҳарбийликка қизиқди. Қалбидаги орзу-истак уни Тошкент олий умумқўшин кўмондонлик билим юртига етаклади.

Ҳарбийча ҳаёт остонасида берилган билим ва кўникмалар, жисмоний тайёргарликни юқори савияда ўзлаштиргани ёш зобитга қўл келди. У меҳнат фаолиятини Гулистон шаҳридаги ҳарбий қисмда бошлади. Нодирбек айна пайтда хизмат вазифасини Самарқанддаги ҳарбий қисмлардан бирида гуруҳ командири сифатида давом эттираётди.

— Бугунги профессионал миллий армия ҳар бир аскарлар жисмоний тайёргарлик, зарур билим ва малакага эга бўлишни талаб этади, — дейди у. — Ҳарбийлар оиласида улғайганим учунми, аскар учун зарур бўлган кўпгина кўникмаларни эгаллашда қийнал-

мадим. Отам Тоҳиржон Юсупов кўп йиллар мудофаа тизимида хизмат қилди. Акам Баҳром Юсупов мамлакатимиз тинчлигини мустаҳкамлаш йўлида ўз бурчини сидқидилдан бажариб келмоқда.

Иигирма олти ёшни қарши олаётган катта лейтенант Нодиржон Юсупов мудофаа вазирлиги Марказий ҳарбий округ ва ўзи хизмат қилаётган ҳарбий қисм томонидан берилётган топириқ ва мажбуриятларни аъло даражада бажариб, раҳбарият ва ҳамкасблари ишончини қозонмоқда. Яқинда республика миқёсида ўтказилган танловда «Энг яхши гуруҳ» номинативси бўйича фахрли I ўринни эгаллаб, Марказий ҳарбий округ-

нинг ташаккурномаси билан тақдирланди.

Янги йил Нодирбек ва унинг оиласига яна бир қувонч олиб келди. Унга Самарқанд шаҳридаги ҳарбийлар шаҳарчасида қад ростлаган кўп қаватли замонавий турар-жойдан икки хонали уй ажратилди.

— Фарзандимиз Хожимуродбекнинг, айниқса, хурсандлиги чексиз, — дейди Нодирбекнинг турмуш ўртоғи Шаҳноза Юсупова. — Давлатимиз томонидан ҳарбийлар оиласига кўрсатилган бундай ғамхўрликдан бошимиз кўкка етди...

Осмонимиз мусаффолиги, сарҳадларимиз дахлсизлиги, тинч ва осойишта ҳаётимиз давомийлигини таъминлашда Нодирбек каби юзлаб, минглаб Ватан посбонларининг хизмати чексиздир.

**Шухрат ЭШБОЙ**

## Обод қишлоқларимиз

# Янги уй-жойлар

халқимиз турмуш фаровонлигини оширишда муҳим ўрин тутади

■ Сурхондарё вилоятида 660 та яқка тартибда уй-жой қурилиши режалаштирилган. Бунинг учун туманлардан 96,6 гектар ер ажратилди. Термиз туманидаги «Лимонзор», Жарқўрғон туманидаги «Оқтепа» ҳамда Шерободдаги «Сеплон» қишлоқларида дастлабки олтмиш хонадон фойдаланишга топширилди.

— Қулай, шинам ва кўркам иморатларни кўрган кишининг ҳаваси келади, — дейди Термиз туманида истиқомат қилувчи Нурали Шокиров. — Улардаги қулайликларни айтмайсизми?

«Лимонзор» қишлоғида бунёд этилган 20 та уй-жойнинг 10 таси уч, 5 таси тўрт ва 5 таси беш хонадир. Қишлоқларга қулайлик яратиш учун «Қишлоққурилишбанк» акциядорлик тижорат банки 15 йил муддатга 7 фоизли имтиёзли кредит ажратган.

2010 йилда Деновда 110 та, Сарийсёда 52 та, Ангорда 50 та, Олтинсойда 40 та, Бойсунда 50 та уйлар қурилиши бошланган. Музробод, Термиз, Шеробод, Қизирик, Жарқўрғон туманларида эса 355 та уй-жойлар қад ростламоқда.

Худудларда «Узтрансгаз» акциядорлик компанияси томонидан қарийб 40 километрга яқин қувурлар тортилди, 16 та газ тақсимлаш шохобчалари ўрнатилди.

Ўтган даврда 6,02 километрли юқори ҳамда 18,74 километрли паст қучанишли электр тармоқлари тортилди, 16 та трансформатор ўрнатилди.

2011 йилда ҳам воҳанинг 14 та туманида яна 675 та яқка тартибдаги уй-жойлар қурилади. Бунинг учун туманлардан 14 та маззе танланиб, 69 гектар ер ажратилган. Қурилиш учун 57,375 миллиард сўм маблағ ажратилган.

Бунёдкорлик ишлари «Қишлоққурилишлойиҳа» масъулияти чекланган жамият ҳамда ҳар қайси туман архитектура ва қурилиш бўлими билан ҳамкорликда ишлаб чиқилган лойиҳалар асосида амалга оширилади.

**Абдумалик ҲАЙДАРОВ,**  
«Ўзбекистон овози» муҳбири.

## Иқтисодиёт



# Мижоз манфаати учун

■ Республика давлат тижорат Халқ банкининг Навоий вилоят филиалида амалга оширилаётган банк ва миқоз тушунчаси, улар ўртасидаги ҳамкорликка оид амалий ишлар билан танишдик.



Президентимизнинг кичик бизнес ва хусусий тадбиркорлик субъектлари фаолиятини янада кучайтиришда дастуриламал бўлаётган фармон ва қарорлари ижросини таъминлашда бошқа банклар қатори Халқ банки ҳам алоҳида ҳаракат дастури ишлаб чиқди. Бунинг самарасини Қизилтепа тумани филиали мисолида яққол кўриш мумкин.

Халқ банкининг Қизилтепа филиалида банк ва банк ишига масъул бўлган 42 нафар малакали ходим ишлайди. Улар 500 нафардан зиёд миқозга намунали хизмат кўрсатиб келади. Мижозларнинг 50 фоизи юридик шахслар бўлса, қолганлари кичик бизнес ва тадбиркорлик субъектлари ҳисобланади. Жорий йилда эса миқозлар сони яна 120 нафарга кўпайди.

— Барча ҳаракатларимиз ва изланишларимиз асосини кичик бизнес ва хусусий тадбиркорликни янада ривожлантириш масалалари ташкил этади, — дейди туман филиали бошқарувчиси Илхомжон Холиқов. — Агар, банк кўмағида бераётган ҳар бир кредит ўз ўрнида сарфланса, бу — замонавий кичик корхона ёки илғор технология, демакдир. Мана шу ҳисобдан янги иш ўринлари яратилади, йигит-қизлар ишли бўлади. Амалий саъй-ҳаракатларимиз, миқозга ўз вақтида берган кредитимиз тўғрисида ўтган йилнинг ўзида, туманимизда қарийб 280 та қўшимча иш ўрни яратилди. Ўтган йили эса биргина кичик бизнеснинг

ўзи учун ишбилармонларга қарийб 250 миллион сўмлик кредит бердик. 2011 йил эса ўнлаб субъектларга 280 миллион сўмдан ортиқ кам фоизли, миқоз манфаатига мос кредитлар ажратиш ниятидамы.

Дарҳақиқат, филиалда банк иши фидойилари, ўз касбининг жонқуярлари меҳнат қилади. Мазкур минтақавий банкнинг айланма капиталли ёки жами кредит қўйилмаси, яъни даромад келтирувчи актив қарийб 5 миллиард сўм. Аҳолининг маиший хизмат, бозор-ўчар, коммунал тўловларда оғирини енгили қилиш мақсадида жойларга кўплаб терминаллар ўрнатилган бўлиб, бу электр қўлланма капиталли 2700 нафар пластик картонка эгасига беминнат хизмат кўрсатмоқда. Филиалда «Антиқа», «Янги йил туҳфаси», «Имкон плюс», «Омад қувончи», «Умид», «Саёҳат-2», «Мўъжиза», «Мураббий», «Баҳор», «Капитал» сингари ўндан зиёд омонат турлари мавжуд. Аҳоли 2010 йил мобайнида филиалга 200 миллион сўмдан зиёд бўш маблағини қўйган.

Касаначиликни кенг йўлга қўйишда, қишлоққа енгили санатли олиб киришда, бандликка кўмаклашишда ҳам филиалнинг ўз ўрни бор. Узоққа боришини ҳождати йўқ. Ўтган йилда филиал жамоаси Қизилтепанинг энг чекка қишлоқларида юздан зиёд янги иш ўринлари очди.

**Музаффар ШАРОПОВ,**  
«Ўзбекистон овози» муҳбири.

## Орамиздаги одамлар

# Қутқарувчи

■ Соҳилда турган одамнинг қутилмаганда дарёга тушиб кетиши нима ўзи — эҳтиётсизлик оқибати ми ёки омадсизлик? Тўғриси, бирон фикр билдиришга қийналасан. Сувда бир неча километр сузиб, ҳолдан тойиб чўка бошлаганида ўша одамга айнан профессионал қутқарувчининг йўлиқиб қандай изоҳлаган бўлардингиз? Ҳа, бу, шубҳасиз омад. Фақат, биз оддийгина омад деб қабул қиладиган турли вазият, ҳолатларни кимлардир ўз фидойилиги, хизмат ва инсоний бурчини сидқидилдан адо этиш билан яратадилар. Баъзан, ўз ҳаётларини хавф остида қолдириб...

Ноябрь ойининг сўнги кунинда Норин дарёсининг Уйчи тумани Равот шаҳарчасидан ўтайдиган қисми қирғоғида дамба кўтариш ишлари қизиган давом этаётганда. Қурувчилар гуруҳида Наманган вилоят Фавкуллода вазиятлар бошқармасининг бўлини ма бошлиғи, капитан Голибжон Умрбеков ҳам бор эди.

Мураккаб шароитларда олиб бориладиган ишлар жараёнида Фавкуллода вазиятлар вазирилик тизими ходимининг ўзига хос вазифалари бўлади. Қутқарувчилар фақат офат ёки бирон корхона рўй берган вақтдагина ҳозир бўладилар деб ўйланганга, янглишасиз — улар фавкуллода вазиятларнинг олдини олиш борасида ҳам фаолият олиб борадилар.

Голибжон Умрбеков дамба кўтариш ишлари олиб бориладиган мўддатда атрофни синчилаб ўрганди.

Дарё узра туман тарқалиб, кун бироз қизиган соат 15 лар чамаси эди. У мавж уриб оқаятган дарёга текилиб турганди... Ростини, аввал кўзларига ишонмади. Сувда одамнинг боши, кейин қалқиб-қалқиб оқаятган гавдаси кўринди. Чалқанча ётганидан англадики, у сузаётгани йўқ, оқим ихтиёрида келипти. У бир қўлини базур силкитгандек бўлди. Бундан англаш мумкин эди-ки, демек, у тирик.

Бўлди — буёғига қутқарувчи инстинкти ишга тушиши керак — тирик, лекин бир неча дақиқалардан кейин ўлиши мумкин бўлган одамни асраб қолишинг, лаҳзанинг юздан бир бўлагиди

қарор қабул қилишинг керак.

Голибжон сал пастрокда, дарёнинг ўртасида туртиб чиққан каттагина харсанг тошини кўрган эди. Ўша тош нажот ороли бўлиши мумкин, ўйлаётган у ва қирғоқ бўйлаб югурди. Йўл-йўлакай бошқармага кўнгирак қилди, вазиятни тушунтирди. Кўз қири билан кузатиб, ўша тош тўғрисида келганини кўриб, ўзини дарёга отди. Ундан кейин яна бир фидойи — Уйчи туман тиббиёт бирлашмаси фельдшер Улуғхужа Камолов ҳам дарё бағрига шўнғиди.

**Вақт оз. Эни 60-70 метр келадиган дарёда чўкаётган одамни ўша нажот оролига яқин жойда «қутиб олиш» керак. Сув анча совуқ, қутқарувчиларнинг ўзини ҳам оёқ-қўлларининг томири тортишиб қолиши эҳтимоли йўқ эмас, ёрдам келгунча жабрдийдалар сони биттадан ошиши ҳам мумкин...**

Улар улгуришиди. Дарё ўртасидаги «орол»га учалови базур сизди. Чўкаётган одам эса «Худога шуқур» деб оғир тин олди.

Унинг бир оёғи протез эканлигини кўрган қутқарувчи янада ачинди. Кейинчалик, бу одам кўшни Учқўрғон туманидан дарёга тушиб кетиб сувда 5-6 километр, «йўл босганини» эшитганда ҳайратланди.

Улар дарё ўртасида узоқ қолишмади. Изма-из кийим ва адёл билан овчи қайиғида етиб келишди. Одамлар тезкор ишлаганини кўриб, ўзини дарёга отди. Ундан кейин яна бир фидойи — Уйчи туман тиббиёт бирлашмаси фельдшер Улуғхужа Камолов ҳам дарё бағрига шўнғиди.

Голибжоннинг беш-олти кун шиқохонда ётиб даволанишига тўғри келди — куз изиринида совуқ сувга тушиш ўз таъсирини кўрсатмай қолмади — қаттиқ шамоллабди. Қутқарувчиларнинг ҳам жони темирдан эмас, ахир. Ўша йилнинг отаси сўраб келди, кўзида ёш билан миннатдорчилик билдирди.

— Олдингизда бир умр қардор бўлиб қолдик, — деди.

— Отаҳон, мен хизмат бурчимни бажардим, холос, — деди Голибжон. Кейин қўшиб қўйди, — агар қутқарувчи бўлмасам, инсонийлик бурчимни бажардим...

Балким, Голибжонни худди ана шу инсонийлик вазифасини бажаришга интилиши шу касбга етаклаб келгандир. Асли касби педагог бўлган қаҳрамонимиз болаларни жуда севади. Узининг фарзандла-

ринигина эмас, барча болаларни. Боласини уриб-сўкаётган ота-онани кўрсак, чидаб туролмайди. Бунинг қутқарувчиликка нима алоқаси бор, дейсизми?

— Ҳимоясиз болакайга эътибор қила олган одамгина ҳақиқий қутқарувчи бўлиши мумкин. Чунки бу касб эгалари доимо ҳимоясиз, илжосиз қолган одамлар қорига ярайди, — Голибжон Умрбековнинг бу фикрига қўшилмай илоҳингиз йўқ.

— Кўпинча фавкуллода вазиятлар инсонларнинг эътиборсизлиги сабабли ўз беради. Каровисиз қолдирилганлиги тўғрисида ариққа чўкиб кетган боланинг ота-онанинг фарёдини эшитганман, машинани тез ҳайдаб, оила аъзоларининг ҳаётини хавфга қўйган ҳайдовчининг пушаймонига гувоҳ бўлганман, ўчирилмаган газ плитаси тўғрисида портлаган уй вайронасида ишлаганми...

Шундай пайтларда, одамлар, эътиборсиз бўлманг, ўзингизни, атрофдагиларни асранг деб ҳайқиргим келади! — қутқарувчининг овози бўйингандек, кўзларидан нам кўрингандек туюлади...

Қутқарувчи совуққон бўлиши керак, деб ўйланганга, янглишасиз...

**Шарофат ЙЎЛДОШЕВА,**  
«Ўзбекистон овози» муҳбири.

## Барча қурилиш ташкилотлари раҳбарлари диққатига!

# СИРДАРЁ ВИЛОЯТИ ҲОКИМЛИГИ «ЯГОНА БУОРТМАЧИ ХИЗМАТИ» ИНЖИНИРИНГ КОМПАНИЯСИ

Ўзбекистон Республикаси Президентининг 2010 йил 29 декабрдаги ПП-1455-сонли қарорига асосан 2011 йилда қуйидаги иншоотларни тўлиқ қуриб битказиш шарти билан

пудрат танлов савдолари эълон қилади:

№	Объект номи	Бошлангич нарх (минг сўм)		Қурилиш муддати
		20% ҚҚС билан	20% ҚҚС сиз	
1.	Сирдарё вилояти, Бобёвут тумани, Деҳқонобод ҚФЙ «Гулистон» учда қишлоқ врачлик пункти (ҚВП) қурилиши	266 741,543	222 284,619	3,5 ой
2.	Сирдарё вилояти, Мирзобод тумани, Янгиобод ҚФЙ «Хайдар» учда қишлоқ врачлик пункти (ҚВП) қурилиши	130 854,185	109 045,154	90 кун

Қурилиш ишларини молиялаштириш: «Ягона буюртмачи хизмати» инжиниринг компаниясига ажратилган бюджет маблағлари ҳисобидан молиялаштириллади. Буюртмачи маънази: Сирдарё вилояти, Гулистон шаҳри, М.Ахтамова кўчаси, 30-уй, тел: 8(3672)27-63-86.

Талабгор сифатида қатнашаётган корхона ва ташкилотлар қуйидаги талабларга мос келишлари керак: ҳисоб рақамидан танлов савдолари предмети қийматининг камида 20% миқдоридидаги бўш айланма маблағлари ва кўрсатиб ўтилган маблағга банк кафолатномаси бўлиши, ишлар (хизматлар)ни бажариш учун зарур бўлган меҳнат ресурслари ва мутахассисларнинг мавжудлиги, етарли касбий ва техникавий малака, молиявий имкониятларга, шартнома тузиш юзасидан фуқаролик-муомала ҳуқуқий лаёқат ва ваколатларга эга, тажрибали ва ишончли бўлишлари шарт.

Танлов савдоларида мамлакатимиз ва чет эл қурилиш ташкилотлари ва фирмалари иштирок этганда, уларнинг танлов тақлифлари баҳоланганда мамлакатимиз пудратчилари учун қуйидаги

нарх преференциялари кўзда тутилди: танлов иштирокчиларининг тақлифларини баҳолаш жараёнида танлов тақлифларида четдан ишлар (хизматлар) киритилиши кўзда тутилганда ва бунда импорт қилувчилар қонунга мувофиқ қўшимча қиймат солиғидан озод этилган бўлса, тақлиф қўшимча қиймат солиғи суммасига қўшиб ҳисобланган ҳолда баҳоланади.

Савдода қатнашиш ва тендер ҳужжатларига эга бўлиш учун сўровнома билан савдо ташкилотчиси — Гулистон шаҳри, М.Ахтамова кўчаси 30-уйда жойлашган Сирдарё вилояти қурилиш танлов савдолари ва нархларни қўшимча тақлифларни худудий консалтинг марказига қўйидаги телефон бўйича мурожаат қилишлари мумкин:

**Тел (факс): (8) 3672 27-64-42.**

Тақлифлар (оферталар)ни савдо ташкилотчиси тақлиф этишининг охири муддати — оферталар очилиш кунини ба сони.

Тақлифлар (оферталар) оғиллиги эълон қилинганда чоп этилгандин бошлаб 15 кундан кейин ўтказилади.

«Ўзбекистон овози» ва «Голос Узбекистана» газетаси жамоаси таҳририят саҳифаловчи-дизайнери Зафар Бакировага отаси

**Тоҳир БАКИРОВ**нинг вафоти муносабати билан чуқур таъзия изҳор этади.

Янгилик

«Бухоро» аэропортига халқаро сертификат берилди

«Бухоро» халқаро аэропорти «ISO 9001:2008» сифат сертификатига эга бўлди.

Аэропорт жамоасининг йўловчиларга юқори даражада хизмат кўрсатиш салоҳиятига эга эканини тасдиқловчи сифат тизимини жорий этиш бўйича олиб борган бир йиллик ишларини ана шундай самара берди.

Аэропортда самолётларни қабул қилиш ҳамда йўловчиларга хизмат кўрсатиш ишлари халқаро талаблар даражасида йўлга қўйилгани Бухоро-

га парвозларнинг ва мазкур шаҳар орқали транзит қатновларининг кўпайишида муҳим омил бўлмоқда. Йўловчиларнинг катта қисми хорижий сайёҳлар экани аҳамиятлидир.

Аэропортнинг халқаро сифат сертификатига эга бўлиши унинг дунёдаги қатор давлатлар авиакомпаниялари билан ҳамкорлик қилиш имкониятларини кенгайтиради.

(ЎЗА)

Баркамол авлод орзуси

Бешкент қишлоқ хўжалик касб-хунар коллежидан минг нафардан зиёд ўқувчи халқ хўжалигининг ўнлаб йўналиши бўйича касб-хунар сирларини ўрганмоқда.

Коллежда ўқувчи-ёшларнинг жисмоний тарбия ва спорт билан шуғулланиши учун кенг имкониятлар яратилган. Шу боис коллеж ўқувчилари мамлакатимиз миқёсида ўтказилаётган турли му-

собақаларда қатнашиб, муносиб ўринларни эгалламоқда.

— Билим даргоҳида спортнинг унга яқин тури бўйича тўғрақлар мунтазам ишлаб турибди, — дейди жисмоний тарбия ўқитувчиси Алишер Худойбердиев. — Айниқса, миллий кураш, дзюдо, оғир атлетика, волейбол, каратэ каби спорт турлари бўйича кўлга киритаётган ютуқларини самарали бўлмоқда.



Суратда: мураббий А.Худойбердиев шогирдлари А.Ражабов ва Ш.Мирзаев билан.

Абдусул ПАРДА олган сурат.

Болалар спорти



Саломатлик, гўзаллик ва баркамоллик гарови

Жиззах шаҳридаги 1-сон болалар ва ўсмирлар спорт мактаби учун Ўзбекистон Болалар спортини ривожлантириш жамғармаси ва ҳомийлар ҳисобидан замонавий гимнастика саройи барпо этилган.

Керакли барча шарт-шароит ва имкониятлар яратилган бу масканда 42 нафар 5 ёшдан 12 ёшгача бўлган қизлар спортнинг ана шу нафис тури билан шуғулланишяпти.

— Бадий гимнастикага қизиқман, — дейди шаҳардаги 4-умумтаълим мактабининг 5-синф ўқувчиси Нозима Мелиева. — Орзуларим ушалди. Шахримизда

мухташам бадий гимнастика саройи қурилди.

Одатда, спортга қизиқмайдиган, унинг бирон-бир тури билан шуғулланмайдиган бола бўлмаса керак. Аслини олганда, дарёлар жилғалардан ҳосил бўлгани каби чемпионлик сари йўл ҳам болаликда спортга меҳр қўйишдан, у билан мунтазам шуғулланишдан, маҳоратини ошириб, имконият-

ларини кенгайтириб боришдан бошланади. Шу маънода, бугун бадий гимнастика саройида машғулот ўтатган кизахлик қизлар орасидан эртага мамлакат шўхратини оламга ёйишга қодир чемпионлар, спортимиз маликалари этишиб чиқса не ажаб.

Иброҳим ЖОНУЗОВ, «Ўзбекистон овози» муҳбири.

Кундаликда қолган битиклар

Оналар фарзандлар ҳақида

Қизим Ферузaxon байрамларни жуда яхши кўрарди. Айниқса, Мустақиллик, Наврўз, Ҳайит айёмлари унинг жону дили эди. У ҳатто икки ҳайитни ҳам қачон келишидан тортиб, арафа кунигача биларди. Миллий урф-одатларимизга кўра, арафа кунни хонадонларда ош дамланиб, кўни-қўшига улашилади. Болагинам арафа ошини хуш кўрарди.

Байрамлар келавераркан, умримиз ўтавераркан. Бу ёруғ оламни барвақт тарк этган Ферузaxon қизимни жуда-жуда кумсайман. Унинг гаплари, хатти-ҳаракатлари кўз олдимда намоён бўлаверади.

Яқинда, она юртимиздан йироқда муборак ҳайит байрамининг оиламиз билан нишонлаётган кунлари Ферузани яна эсладим. Бундай дамларда беихтиёр «Эҳ, қанийди ўша кунлар яна қайтиб келса», деган ширин орзу юракни қамраб олади. Хотира нурлари кўнглимни ёритиб, қоронғулик бироз чекингандай бўлади. Ана шу лаҳзаларда таскин топомқ илнжидида боланинг ёзиб қолдирган кундалик дафтари ни варақлаб, унинг маржондай териб ёзилган хотираларини ўқий бошлайман:

«Бу йил ҳам худди ўтган йилдаги каби мустақилликимизнинг 7 — йиллик байрамига бағишланган тантанали қабул маросими Дехли шаҳрининг энг машҳур ва обрўли қоншаларида бири бўлган «Мория Шератон» меҳмонхонасида ўтказилмоқда. Меҳмонхона жуда чиройли этиб, ўзбекиона кўринишида ясалган. Хона ўртасида ўрнатилган доира шаклидаги катта стол атрофи ўзбек хоналаси билан чиройли қилиб ўралган. Стол устига тартиб билан ўрнатилган турли-туман Ўзбекистондан келтирилган қовун, тарвуз, ме-



ва-чевалар, pista, бодом ва майизлар ҳамда элчихона хизматчилари оила аъзолари билан таъриқланган ширинликлар маросимга ташриф буюрган меҳмонларнинг эътиборини ўзига тортиб турибди.

Маросимлар хонасининг икки чеккасига узун тўғри тўртбurchак шаклидаги столлар қўйилиб, уллар атрофи ҳам хонатлас билан ўралган. Столлар устига иштаҳа очар ўзбек миллий таомлари (паловхонтўра, гўшт, ошқовоқ ва кўкатлардан тайёрланган турли хил сомсалар, манти, қовурилган чучвара) чиройли тартибда қўйилган. Бу столлар дипломатлар тилида «швед ёки фуршет столи», деб аталади.

Хона тўрини Ўзбекистон ва Хиндистон давлатлари бай-

роқлари ва герблари ҳамда икки давлат раҳбарларининг портретлари безатиб турибди. Маросимлар хонасининг кириш эшигини икки чеккасига ўрнатилган столлар устига Ўзбекистон ҳақида chop этилган китоблар, брошюра-

да қутиб олган дадам билан оғил уларни ичкарига тақдир қилишди. Шу пайт Ўзбекистон давлат гимни янгради. Гимн ижро этилаётган пайтда бутун вужудимни титроқ босиб, юрагимни ҳаяжон қамраб олди ва кўзимга ёш келди. Уша пайтда ёнимда юртдошларимдан бирига қарасам у кишининг кўзлари ҳам жижжа ёш эди. Бу албатта, мамлакатимиз мустақиллигидан гурурланиш ва фахрланиш ёши эди...

Дехли шаҳри, 31 август 1998 йил.

Қизимнинг кундалиги саҳифаларида қолган, ватанга муҳаббат билан тўлиб-тошган мана шу битикларни қайта-қайта ўқир эканман унинг эс-далиқларига бироз кўшимча қилгим келди.

Дарҳақиқат мамлакатимиз мустақиллиги тобора мустаҳкамланиб, халқаро майдондаги обрўси тез суратлар билан ўсиб бормоқда. Буни биз ўз ҳаётиимизда кузатиб бораёلمиз. Феруза кундалигида ёзиб қолдирганидек Дехлида ўтказилган маросимга келган мартабали меҳмонлар сонини ундан бир йил олдин ўтказилган маросимга солиштирсак, ўтган вақт ўзбекистоннинг обрўси ва унга бўлган қизиқиш янада кучайганини кўриш мумкин.

Хар йили оилавий аънанамизга кўра, биз Ферузанинг таваллуд кунини нишонлаймиз. Менинг назаримда ҳозир эшик очилади-да у кириб келиб бағримизга отилади. Ва шу кунгача кўрганларимиз туш бўлиб қоладигандек туюлаверади. Қўлимга қизимнинг кундалигини оламан, уни варақлашни давом эттираман...

Гулсала НЕЪМАТОВА

Футбол



Хасан ПИРМУХАМЕДОВ олган сурат.

Ҳаяжонли ўйинлар олдинда

Қатарда давом этаётган XV Осиё чемпионати «А» гуруҳида қатнашаётган Ўзбекистон миллий терма жамоаси иккинчи турда кувайтликларни 2:1 ҳисобида доғда қолдирди.

Агар шу турда мезбонлар Хитой футболчиларига имкониятнинг бой беришганида бу вакилларимизга муддатидан илгари чорак финал ўйинларини тақдим этарди. Аммо унда Қатар терма жамоаси хитойликлар дарвозасига жавобсиз икки тўп йўллашди — 2:0. Энди гуруҳнинг омадлили номи 16 январь кунини ўтказиладиган Ўзбекистон — Хитой ва Қатар — Кувайт ўйинларидан кейин аниқланади.

Мусобақа олдинда «В» гуруҳида тўп сураётган Саудия Арабистони терма жамоасининг имкониятлари юқори баҳоланаётганлиги. Дастлабки ўйинда сурияликларга 1:2 ҳисобида имкониятни бой берган саудияликлар иккинчи турда ҳам майдондан бош эғиб чиқиб кетишди. Улар Иордания терма жамоаси билан кечган баҳсда яна мағлубият аламини торттишди — 0:1. Бу эса Саудия Арабистони футболчилари учун кейинги босқич эшикларини ёпди. Гуруҳнинг иккинчи ўйинида Япония футболчилари сурияликлар устидан ишончли галабага эришди — 2:1.

Кеча «С» гуруҳида иккинчи тур ўйинлари бўлиб ўтди: Австралия — Жанубий Корея, Бахрайн — Хиндистон.

Бугун «Д» гуруҳида ўтказиладиган Эрон — КХДР, Бирлашган Араб Амирликлари — Ироқ терма жамоалари учрашувлари билан иккинчи тур ўйинларига яқун ясалади.



Эркин ХОЛБОБО

Қадрият — ўзликни англаш

Саломалик одоби

Кишиларнинг ўзаро саломлашиб, бир-бирдан аҳвол сўрамоғи, тарбиянинг биринчи белгиси, одоб-ахлоқнинг илк намоийшидир.

Такрор бўлса ҳам эслатиш жоиз. «Ассалому алайкум», дегани «Сизга тинчлик, хотиржамлик тиламан» маъносини билдиради. «Ва алайкум ассалом» эса «Сизга ҳам тинчлик, омонлик, тан сўхатлик бўлсин» деганидир. Аммо бугунга келиб саломлашиш одоби ҳам турланади, асл оҳорини йўқотаётгандай, айниқса, ёшларимиз ўртасида саломлашиш одати мазмун-маънодан узоклашиб бораётгандай туюлади.

Бунда эса биз катталарнинг ҳам айби бор. Болалар тарбияси билан шуғулланганимизда саломлашиш одобини эслатаётганимиз, унга риоя этишни ўғил-қизларимиздан талаб этаётганимиз? Фарзандларимиз «Ассалому алайкум» деган каломни қандай тарзда айтишмоқда?

Ёши улугларимиз ўз уйлари остонасидан ҳатто ичкарида ҳеч ким бўлмаса-да, «Ассалому алайкум» деб ўтганлар. Бу одатдаги ҳикматни илғаб олиш қийин эмас. Бу сўзни чиройли ва бутун талаффуз билан айтиш кишининг маданиятини, гўзал хулқ ва маънавият соҳиб эканини ифодалайди.

Маънавий меросимизда саломлашиш одоби худди маржондек тизиб берилган. Улов миндан киши пиедага, пиеда киши ўтирган кишига, озчилик кўпчилиқка, кичик каттага, юқоридаги киши пастдаги кишига салом бериши одоб қондасидир. Шунингдек, қўл бериб сўрашиш энг мукаммал саломлашиш ҳисобланади. Қайси амал энг яхши амал, деган саволга «Танигану танимаган одамнинг салом бермоқ, таом бермоқ энг яхши амалдир» дейилади.

Саломлашиш одоби ҳақида гап борганда фақат салом беришигина эмас, унга алик олишни ҳам назарда тутмоқ зарур. Чунки, айрим ёши бир жойга борганлар ҳам саломга жавоб қайтариш қоидаларини билишмайди.

Салом ва алик каломларини чиройли, мукаммал айтиш билан киши ўз ички дунёси гўзаллигини, идроки бутун эканини кўрсатади. Тилагимиз, ҳаммамизга шундай мукаммал, лутфу латифлик насиб этсин.

Хорунжон АЮБХОНОВ, меҳнат фахрийси.

ОБ-ҲАВО	15-16.01. 2011	
	БУГУН	ЭРТАГА
Тошкент	0°C	2°C
Самарқанд	2°C	7°C
Нукус	-2°C	3°C
Қарши	2°C	7°C
Ургачч	-2°C	3°C
Навоий	-2°C	3°C
Фарғона	-2°C	3°C
Бухоро	-2°C	3°C
Андижон	-2°C	3°C
Наманган	-2°C	3°C
Термиз	2°C	7°C
Жиззах	-2°C	3°C
Гулистон	0°C	5°C
Тошкент вил.	0°C	5°C
Лондон	11°C	8°C
Париж	9°C	9°C
Москва	-9°C	-13°C
Мадрид	3°C	3°C
Пекин	10°C	12°C
Гонгконг	11°C	9°C
Рим	8°C	6°C
Анкара	-2°C	0°C
Токио	1°C	1°C
Стокгольм	-1°C	0°C
Кейптаун	18°C	18°C
Қоҳира	9°C	9°C
Гавана	15°C	17°C
Вашингтон	-4°C	-2°C

**MUASSIS:**

O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TAHIR HAYATI:

- |                      |                             |                       |
|----------------------|-----------------------------|-----------------------|
| Abdulla ORIPOV       | Ulug'bek MUSTAFOYEV         | Musihiddin MUHIDDINOV |
| Latif G'ULOMOV       | Tat'yana KISTANOVA          | Andrey KUSTOV         |
| Bobir ALIMOV         | (Bosh muharrir o'rinbosari) | Ochilboy RAMATOV      |
| Sharbat ABDULLAYEVA  | G'afvor HOTAMOV             | Saidahmad RAHIMOV     |
| Murodulla ABDULLAYEV | (Bosh muharrir o'rinbosari) |                       |

**BO'LIMLAR:**

Partiya hayoti — 233-10-13; Madaniyat va sport — 233-69-45; Ijtimoiy hayot va iqtisodiyot — 233-44-55; Jamoatchilik bilan aloqalar va huquqiy targ'ibot — 233-12-56; Reklama va e'lonlar — 233-38-55, 233-47-80; Kofitbiyat — 233-72-83, 236-55-17.

**MANZILIMIZ:**

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

\*Sharq nashriyot-matbaa aksiyadorlik kompaniyasi bosmaxonasida chop etildi. Korxonaning manzili: Buyuk Turon ko'chasi, 41-uy. Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 149 19432 nusxada bosildi.

t — Tijorat materiallari O'za yakuni — 21.15 Topshirilgan vaqti — 00.45

Sotuvda erkin narxda

Navbatchi: Bardambek SA'DULLAYEV

Gazeta «O'zbekiston ovozi»ning kompyuter markazida teriladi va sahifalandi.

Sahifalovchi-dasturchilar: Sobirjon TUNG'ATOV, Zafar BAKIROV

ISSN 2010-7633

1 2 3 4 5